



Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnia huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

XXXV. An Decretum Dei tollat arbitrij libertatem, vt ineuitabili neceßitate
hi saluenturm illi pereant?

urn:nbn:de:hbz:466:1-11726

at Calvinus infert reprobationem à gloria ante præsumum peccatum. Cur igitur hic reprobatur, non ille? Quia impius est & peccator, i. Cor. ii. Propter incredulitatem. Aug. l. i. ad Simplianum. c. 9. Deus non odit Esau hominem; sed odit Esau peccatorem. Idem epist. 105. Quibus Deus misericordiam non impertitur, vt non impertiatur, merentur. Ergo Mat. 25. Ite maledicti: &c. e- furiui enim, & non. &c.

OVÆSTIO XXXV.

*An decreum Dei tollat arbitrij liber-
tatem, ut inevitabile necessitate,
h. salueretur, illi per-
eant?*

LUTHERVS in Assert. art. 36. ait: Liberum arbitrium est segmentum in rebus; sed in aliis sinere. Quia nulli est in manu sua quipiam agitare malum aut bonum; sed omnia sub Deo sunt contra quemlibet possimus. Vnde Poeta: Certa sunt omnia lege.

SVADET isto. Isa. 41. Benè, aut Malè, si potestis fa-
cete.

AVTOR. De isto hic strictim; infrā de piano & pleno.

I. Vtus liberi arbitrii in moralibus pendet ab naturæ viribus: Teste experientia. At in supernaturalibus pēdet à gratia: Quam vt habeamus non est in nostra potestate: Est tamen hoc, vt donatâ recte vtamur cooperantes eidem.

DICO AD Isaiam, hunc ibi loqui de idolis gentium; non de hominibus.

CALVINVS affirmat Inst. 3. cap. 21. §. 7. 2. I-
tem c. 23. §. 8. Optimere volunt, permittente modo,
non autem Volente Deo, perire impios. 3. Ibid. Non
dubitabo cum Augustino simpliciter fateri, Volunta-
tem Dei esse, rerum Necesitatem; arque id nec. sfa-
rium futurum esse, quod ille noluerit.

SVADET igitur ista Calvinus istis, i. Quia

Nil fit permittente, sed omnia Volente Deo
fiunt.

2. Voluntas Dei est necessitas rerum.

3. Idque teste S. Augustino.

4. Extinctum, aut labefactatum est lib. arbitrium orig. peccato.

5. Quia vt lapsus in latrones, spoliatus est
vestibus gratia, & vulneratus est in carne: sic
& lib. arb. est extutum gratia, & semiuium
in naturę donis. Vnde laborata b. Ignorantie,
Malicie, Infirmitatis, & Concupiscentie
vulneribus.

6. Præscientia Dei est infallibilis: ergo
quicquid futurum præscit Deus, id infallibili-
ter futurum est: At præscit omnia quæ fa-
ctur sumus: ergo infallibiliter sunt futura;
suntque necessariò.

AVTOR. Cum homo in statu in-
nocentiae cum lib. arbitrio sit creatus;
ipso teste Caluino Inst. 1.c. 18. §. 8. id-
que Calvinus amissum velit: age quo
modo amissum erit?

1. Per pec. originale?

2. Actualē?

3. Gratiam Dei?

4. Præscientiam Dei?

5. Voluntatem Dei?

6. Prudentiam & Prædestinatio-
nem Dei?

At horum nullo modorum.

I. Non per Pec. Orig. i. Ita Conc.
Trid. sess. 6. can. 5. ex Scripturis: Vide
Antichristum p. 4. q. 20. Num. 30. In arb-
itrio viri erit, siue faciat, siue non faciat.
Hoc & similia dicuntur de homine
post lapsum; ergo habet lib. ar. & non
amisit per pec. orig.

2. Experientia docet omnes ho-
mines esse liberi arbitrij in omnibus
humanis actionibus.

II. Non per Pec. Actualia: Quia,
tame si peccator nequeat agere ope-
ra meritoria, & supernaturalia sine

g 2 Dei

De gratia; potest tamen moralia & trium hominis aut Angeli facturum naturalia. Testes in Scriptura omnes insigniti peccatores à Cayn usque ad Hominem peccati.

2. Ratiocinatio S. Augustini lib. de vera relig. c. 14. est euidentis: *Visque adeo peccatum voluntarium est malum, ut nullo modo sit peccatum si non sit voluntarium.* Et infra. *Et quoniam peccari dubium non est; nec hoc quidem dubitandum video, habere animas liberum voluntatis arbitrium.*

III. Non per Gratiam tollitur lib. arb., sed confirmatur.

1. Quia non per Præuenientem; cui, ait Trid. sess. 6. c. 5. homo liberè assentitur, & cooperatur, ita ut possit dissentire. Hinc tam sedulò nos Scripturæ monent conuersti, audire, obediare, sequi, adduntque minas, & increpationes.

2. Non per Gratiam Adiuuantem. Quia concursus Dei ad naturalia non tollit libertatem arbitrij; ergo nec gratia Adiuuans, quæ est concursus Dei ad supernaturalia.

3. Nec per Iustificantem gratiam; quia hæc perficit naturam, non destruit. Nec obstat istud Ioan. 6. *Nemo venit ad Me, nisi pater meus traxerit eum.* Quia tractio Dei in uitat amore, affectuq; voluntario; non necessitat: ait Aug. tract. 26. in Ioan.

IV. Non per Præscientiæ Dei tollitur aut impeditur libertas Arbitrij. Quia cum illa sit duplex, Conditionata & Absoluta; neutra derogat libertati arb.

1. *Conditionata antecedit liberum decretum Voluntatis diuinæ quæ præcognoscit Deus, quid liberum arbitrii.*

esset, ex hypothesi, si sic & sic in rerum ordine poneretur; Ut iniustos acturos pœnitentiam, si hæc ei prædicaretur: iustos lapsuros, nisi fugerent, aut è vita. &c. raperentur.

2. Absoluta sequitur Decretum Dei liberum: quā præcognoscit re ipsa futurum: Sic in Vet. Testa. prædixit futura in Nouo. Vnde Tertul. l. 2. contra Marcionem: *Præscientia Dei tot habet testes, quo habet Prophetas.* Vtraque est infallibilis; quia Dei intellectus est infinitus, extendens se ad omnem veritatem.

Neutra pugnat libertati arbitrij. *Non Conditionata;* quia nec rem ponit, minus in re quicquam; quia ex hypothesis præseit. *Non absoluta;* quia nil causat minus necessitat in re; nisi secundum Modum rei futura præfecit; ut necessaria necessariò, contingētia contingenter, quoad nos, liberaliter futura præcognoscit.

2. Deinde Aug. l. de bono perseu. ca. 9. 10. Et l. de Corrept. & grat. c. 8. Præscientia Dei non tollit lib. arb. quia Præscientia est: alioquin & nostra tolleret: ut si præsciret Iacob à filiis facienda, Gen. 48. eos nil necessitauit ad ea: Non quia Dei est, alioquin tolleret & Deo libertatem, præscit enim quæ facturus est.

3. Demum Adam in statu integro habuit lib. arb. ut fatetur Caluinus; & aliquid ex eo peregit: & aucturum id præsciuit Deus; non tamen hæc præscientia ademit ei libertatem arbitrij.

V. Non per Decretum Dei impen ditur libertas arbitrij.

1. Non

1. Non decreto concursus sui Generalis ad omnes lib. arb. actiones naturales: quia est simul tempore & causalitate cum nostra actus determinatione; nō est prior, nec determinat nostram voluntatem ad agendum.

2. Nec decreto concursus specialis per gratiam præuenientem, adiuuantem, aut iustificantem: vt suprà liquet. Vtrumque Decretum Dei est, vt præscientia, secundum Modum cuiusque rei; ad quam ipsa res condidit; vt necessaria necessariò fiant; libera liberè; liberaque bona causet liberè; mala, permittat liberè fieri.

VI. NON PER PROVIDENTIAM seu Prædestinationem infringitur libertas ar. Quia in illa solum spectari potest Præscientia & voluntas Dei: at neutra lædit lib. arb. in se, aut in actis.

Dico AD I. Absurdum id: quia sic Deus vellet fieri peccata, quæ permittit fieri.

AD II. Absurdum. Quia omnia, etiam ciuilia, fierent necessariò.

AD III. Falsum est. Nam S. Aug. l. 6. de Gen. adlit. c. 15. docet creationem non fu. slein potestate creaturæ, sed Dei; cuius, ait, voluntas rerum necessitas est, sc. creandarum, non facienda- rum postea, vt falso interpretatur Augustinum Calvinus.

AD IV. Supernaturalia dona perdiit homo; naturalia consequenter in se debilitauit; non perdidit. Malè igitur Pelagiani aiebant, lib. arb. nullatenus esse læsum: Malè Calvinianis: Esse extinctum: Benè Trid. sess. 6 c. 1. Non extinctum, sed viribus attenuatum.

AD V. Homo tria habuit ex iustitia originali.

1. Gratiam iustificantem, siue Rati-
onis sub Deo subiectiōnem.

2. Appetitus sub ratione subiectio-
nem.

3. Corporis immortalitatē. Spo-
liatus primo, dicitur vulneratus in se-
cundo, propter rebellionem & reli-
qua incommoda consecuta: tertium
fatale erat & est. Animæ enim vt qua-
tuor sunt Potentiæ; sic & vulnera: In-
tellectus, ignorantia; Voluntatis, mali-
tia; Concupisibilis, auiditas absentium,
voluptas præsentium Bonorum ve-
rorum, seu apparentium; Irascibilis de-
niq; metus de absentibus; ira de præ-
sentibus Malis.

AD VI. Præscientia Dei dat re-
bus futuris Certitudinem, non Ne-
cessitatem: cum illa, non cum hac,
potest stare salua libertas. Necesitas
verò duplex est: Antecedens, quæ ori-
tur ex causa antecedente necessaria:
vt cras oriri solem necesse est: Comi-
tans, seu consequens, quæ oritur ex i-
psa positione effectus seu liberi, seu ne-
cessarij: vt hominem sedere, sedisse,
sessurum, posito, quod sedeat, federit,
aut sit sessurus. Hæc necessitas est ab-
soluta, expositione facti: non illa. Qua-
re ideo futura à Deo prænoscuntur,
quia fient: Non ideo fient quia præ-
noscuntur: Sicque præscientia est re-
bus futuris posterior, non pri-
or. Ita S. Patres & Scho-
lastici.